

# Muab Koj los yog Koj Tus Menyuum Cov Ntawv Txhaj Tshuaj MIIC Li Cas

Minnesota Immunization Information Connection (MIIC) yog qhov chaw khaws ib tug neeg cov ntaub ntawv txhaj tshuaj koj los ceev cia ua ke, tab txawm cov koob tshuaj ntawd nyias muaj nyias kws kho mob hauv lub xeev ua tus txhaj los xij. Kev muab tau koj tus menyuum cov ntawv txhaj tshuaj MIIC yuav pab kom yooj yim rau kev nthuav qhia cov ntawv rau tej chaw kuaj mob, cov tsev kawm ntawv, kev taug kev deb, lossis kev ua hauj lwm. Nws kuj tseem pab tau rau kev txiam txiv ob peb yam ntawm ib tug neeg qhov kev noj qab haus huv thiab, xws li saib seb thaum twg koj tus menyuum txog caij nyoog yuav txhaj cov tshuaj tiv thaiv kab mob uas pom zoo rau nws.

Muaj ob txoj hauv kev rau koj muab tau koj los yog koj tus menyuum cov ntawv txhaj tshuaj. Koj siv Docket rub (download) thiab luam tawm koj ib daim qauv ntawv uas yog PDF LOSSIS koj thov ib daim qauv ntawv tau nrog kev xa ntawv thov mus rau cov neeg ua huaj lwm MIIC nrog [MIIC Public Inquiry Form \(https://redcap.health.state.mn.us/redcap/surveys/?s=Y3JCL3NDE7FPEXAM\)](https://redcap.health.state.mn.us/redcap/surveys/?s=Y3JCL3NDE7FPEXAM).

## Hauv Kev 1: Siv Docket

Docket pub kev rau cov neeg hauv Minnesota uas muaj ntawv txhaj tshuaj MIIC muab tau lawv los yog lawv tus menyuum cov keeb kwm ntawv txhaj tshuaj uas raug ceev cia, nrog kev siv Docket. Docket siv tau rau cov kev:

- Saib cov ntawv txhaj tshuaj nyob hauv lub app.
- Saib cov koob tshuaj tshiab uas nyuam qhuav txhaj ob peb hnuv dhau los.
- Muab tau cov qauv ntawv txhaj tshuaj rau lwm tus saib.

Kev yuav pib ces mus rub (download) lub app siv dawb nrog kev nrhiav “Docket” uas nyob hauv Apple App Store los yog hauv Google Play, lossis ntawm [Docket \(https://docket.care/\)](https://docket.care/) yog xav siv rau hauv khoospistaws. Yog xav paub ntxiv ces mus saib [Docket and MIIC Immunization Records \(www.health.state.mn.us/people/immunize/miic/docket.html\)](http://www.health.state.mn.us/people/immunize/miic/docket.html).

## Hauv Kev 2: Thov ib daim qauv ntawv

Cov neeg hauv Minnesota uas xav thov lawv ib daim qauv ntawv txhaj tshuaj uas yog PDF tuaj yeem ua tau nrog kev sau ntawv xa mus rau MIIC raws qhov no [Find My Immunization Record \(www.health.state.mn.us/people/immunize/miic/records.html\)](http://www.health.state.mn.us/people/immunize/miic/records.html).

Minnesota Department of Health  
Minnesota Immunization Information Connection (MIIC)  
PO Box 64975, St. Paul, MN 55164-0975  
651-201-5207  
[health.miichelp@state.mn.us](mailto:health.miichelp@state.mn.us)  
[www.health.state.mn.us/miic](http://www.health.state.mn.us/miic)

06/05/2024

Yog xav tau cov xov no sau ua lwm yam lus, ces hu rau: 651-201-5207.